

mangey do ilaod a maci nanao

ko na karwan o pongso namen, a ka no ka vavahey namen, ka ni am
aka ni ina a ka da wari, ta ko na mangey meyvatek do ilaod ko masarey,
ta ko manakem o ko kapeylingalingey do ilaod. ko ikalow am, kaji ko maka
apan so kararey ko, ta sira mateteneng a ya meyvilarang o dehdeh do malaod
am no ko manakenakem am mowyat ko a macinanao, ta o ciring na jiaken ni
ama ka ni ina am, “ji ka tongowakowan a meyvilarang ta ipacipanownowji
mo. pakamizingen mo inanao da jinio no sinsi nio, no mian so ji mo a
tenngi, ipanci mo do mateteneng a kararey mo.” o ciring da jiaken da ama
ka ni ina am, ko tomangozai. ya ko tomeypakatkaci no ya katenngan.

ori ney ka teyapia no ya mowyat a macinanao. ta ya ko neypeyparo no
ya katenngan. a yavilangan a vakong. no namen rana meysiking a
meyvatevatek, ko na ji alawan ko ka ji makatenngan jia, ta ya ko na
nipeykakasa o ko nicita vakong ko ikasarey no onowned a ya mangey
maciehza do kararey ko, mangey do pantow a meyyowyow.

nokakoa o malavayo a tao no niomhat rana do kocong am, karoan da
rana o yanan da pongso a mangey do ilaod a mivatvatek. ikongo do ji

miyangey o iweywawalam ta a ka no ciriciring ta ka nino dehdeh, abo paa o
dingwa, so ka teymakarilaw no mivatvatek do ilaod a malavayo a tao. abo
paa o nizpi da ipanazang so makakaday a vakong, so ipangbo da so nakem a
mapaw no nikarwan da pongso.

o kapia na am, katenngan da sira no sinsi a apo do sa ka mahataw, so
karakorako na pa no karilawan da nira a sidongen. Akma no miwalam sira
do gako am, ipikala da sira so vazey a iyan no nizpi da ipanazang so
ipangakadey da.

Siciaikoa ya rana am, ya aroko rana o na nikablisan no pimsaodan no
tao do pongso, sia mateneng rana mininizpi o kamanlalavayo a niapoan da.
ya na mian so dingwa a ya ipisirisiring no sa ka vahey; ya na mian so da ka
lovoloivotan no malalavayo a tao do Taytong, a pacinanaoan so matareka a
meyciamadadayan a vazey no mahep am ya mian so sinsi a ya somidong
sira amnanao sira do da ji azab pa do vakong, so da ka pia rana no ya
mivatvatek do ilaod a malavayo a tao.

(文章大意 僅供參考) ※字數限 200 字

在臺求學

離開家鄉去臺灣讀，生活習慣和語言等等和大島不同，當時沒有電話可與家人通話；也沒有零用錢買參考書等等學習用具，思念生長的家鄉情境令人心疼。往好處想，老師們會特別關懷他們。

現在，蘭嶼生活改善，年輕父母都會找工作賺錢改善家庭生活；有了電話可隨時聯絡；在臺東也有專為學生設的學生中心，提供各種學習技能；夜間也有老師群義務給予課後輔導和學習，因此有了更多元的學習管道。